

武

溪

集

六

味
盡
然

元
方

丁亥十一月廿四日題
省寒梅半放清

武溪集卷第十九

工部尚書充集賢院學士贈尚書左僕射累贈少師

余靖

墓誌上

狄令公墓銘

林度文墓碣

黃郎中墓碑

李郎中墓碑

李郎中墓誌銘

朱寺丞墓銘

王大君墓銘

三山集卷第十九
工部尚書充集賢院學士贈尚書左僕射累贈少師
余靖墓誌上

黃殿丞墓誌

王寺丞墓誌

蘇殿直墓誌

蘇判官墓誌

宋故狄令公墓銘并序

惟宋四世嘉祐二年三月陳州上言護國軍節度使同中書門下平章事狄公屬疾于鎮詔遣國醫馳視未至以薨聞天子震悼為之素服發哀再不視朝制贈中書令厚賜其家褒勳臣也公諱青字漢臣贈太傅諱應之曾孫贈太師諱真之孫贈中書令諱普之少子汾州西河人遠祖唐納言梁文惠公仁傑本家太原危言直節再復嗣子孫

或從汾晉世為著姓公謹重信厚風骨異常少學騎射為樂期於功名自立弱冠遊京師係名拱聖籍中國家自此虜請盟韜偃師節息烽徹警垂四十年元昊世以河西稱藩常歲遣牙校貢方物胡賈往來直抵都下奸人窺覘知我虛實一旦上還印節備盜名字朝廷始增兵擇將以為我備時至元元年也公初以散直為延州指使賊昊宿心苞藏推鋒甚銳吾邊弭兵茲父士不知戰他將過之靡不折劔延安最當賊衝公以材武智略頻與賊較未嘗少沮四年之間大小二十五戰中流矢者八斬捕首虜萬餘獲馬牛羊橐駝驢鎧甲符印器仗以數萬計攻賊金湯城及西南馬市至于杏林殲破其鎮砦七遂略宥州之境屠龍

詳歲香等部落燔其積聚數萬廬舍千餘收其族帳二千三百生口五千七百又城橋子谷築招安豐林新寨大郎堡皆扼賊之要害而奪其氣朝恩懋賞七迁至秦州刺史涇原路兵馬副都署上奇公功欲召見之無何寇逼平涼迺命公即趨涇原俾曷刑以進京師不呼公名而呼沙萬蓋比之關張也公在涇原數歲賊不敢犯塞復以夏國主稱臣由是邊拆解嚴矣遂以侍衛親軍職名寵公徙真定府路部署累迁至彰化軍節度使知邈州羌人脩貢道出高奴邊事裁處不違中廢故僉議帥臣常為諸鎮之首公當是任邊戎畏伏乃召為樞密副使會蠻寇內侵嶺海警擾公以疆場之虞亦布之憂抗章請行寬上南顧上嘉其

誠遂改宣徽南院使荆湖南北路宣撫使提舉廣南經制賊盜事初儂氏之蠻世為酋豪羈附交趾智高熾勇而善用兵因擊并旁近州邑而統有之拓地寔廣勝兵寔盛交趾不能制南方亡命者多歸之由是擬正朔置百官潛窺據竊嶠南之計以皇祐四年五月舉兵攻邕州陷之東蠻公瀑流連陷公江九郡殺逐其守臣遂攻廣州圍之連月不剋大掠而還仍覆沒四將燔毀二郡俘劫兵民數萬復據邕州城誘略溪峒江湘已南為之蠻然朝旨以公大臣既可其行第令駐於桂象之間訓練師旅而指授方略於羣帥公以二廣安危在此一舉若徧裨失利則兵氣難振自非躬親無以號令先行後聞朝議疑之五年正月甲辰

三符之兵會于賓州公接書夫失以禮御下以嚴臨敵制
變衆莫之測已酉下令人賊十日之糧謀者既去詰旦遂
行故賊以師期尚緩不克守險者以此已未至歸仁鋪賊
悉其衆據高迎戰前鋒遇之少却左第一將孫節死之公
親執旗鼓麾騎兵左右馳出賊後賊遂大敗馳騎追捕斬
二千二百賊之謀主黃師處僕建忠等腹心爪牙沒于陣
者五十七人智高焚營而遁明日按兵入城獲金銀器用
二萬戎仗稱是偽符節十一馬牛千餘老壯士女還城者
三千餘人再遣閩外創重歸死者復得屍三千二百翅
日分兵追襲賊之餘黨幾殲馬招復虜口七千三百其邑
人也俾奠其居非邑人者振厚饋食還其奉上所得賊之

遺物暨首級之賞估直四千萬均給戰士仍築京觀以誌
武功二月丙子班師辛巳詔迂檢校太尉河中尹召還樞
府遂曲赦廣南至於江西湖南咸宣布德音焉未幾進拜
樞密使領節如故仍賜城南第一樞諸子悉增其秩職居
機軸勢均台宰外領戎馬之政內參宮省之務弼遠順美
勳協厥中越四年頌去權寵以辭盛滿遂兼相印出臨輔
郡暴疾而終享年五十公天賦明智世推權勇臨事董衆
識與衆會其行師也所統步騎不以衆寡常取諸葛武侯
八陣法以為模楷宿息坐作悉成部伍故雖倉卒遇敵而
師徒無撓其為偏裨時每被髮面銀其從騎兵馳突賊陣
羌人識之見則辟易無敢當者嘗中流矢創甚聞寇至衆

創而行帥不能止公器度深遠今相國韓公故資政殿大學士范文正公之為西帥也公嘗諫其節下咸竒之曰此國器也文正嘗以左氏春秋按公曰熟此可以斷大事將不知古今死夫之勇不足為也公於是晚節益喜書史既明見時事成敗尤好節義其在涇原也副起居舍人知涇州尹洙與公同經略招討安撫使事洙字師魯有文武才略博通古今公與慮事尤為精密師魯嘗稱公古之名將無以過也公於交遊在亡不渝師魯後以貶死公厚師魯孤如至親焉文正既沒其子無禮服除還臺當蒞吳中而征公首為啓陳得署河南賓幕以便墳壟識者稱之其徒真定也過家上冢還謁縣長步趨令庭以脩桑梓之恭然

令不敢當議者重其得休遂留里中與故老醞酒相歡揮金而去其征蠻也上親餞于垂拱命酌者數焉當是時充國太夫人侯氏微疾公朝服而入戒家人無得言治兵事第云奉使江表故得不憂其純孝如此公好以衆整又能分功與人而今在必行故師之所過秋毫無犯其為小校延安也大里南安安遠之功初不自言物議多之其征南也今觀文敷學士孫公特經制賊盜與公偕行其軍中之政公實專之至于南夏經久之制多讓孫公裁處談者嘉其謙挹初廣西鈴轄陳曙以步卒八千潰于崑崙關公至推首遁者殿直袁用而下并購誅三十一人其下股慄遂能一戰而成大功公歷官自三班差使殿侍還左右班殿

直侍禁閣問祇候通事舍人西上閣門副使正除秦州勅
史送鎮惠州團練眉州防禦使保大軍兩使留後真拜
化護國軍節度使職事官指使遷延州西路巡檢鄜延路
都監公邊都巡檢涇原儀渭兵馬都署遂摠禁旅歷捧日
天武四廂都指揮使步軍殿前都虞候步軍馬軍副都指
揮使其為兵馬部署以涇原部署知渭州真定部署權定
州鄜延路經略安撫使知延州皆著能政一拜宣徽使再
樞密副使遂摠機政以兼相判陳州臨民統軍未嘗以
有差失其征羌平蠻名震夷狄勲在竹帛近代之良將也
公娶魏氏封定國夫人五男長諮西上閣門副使次詠東
頭供奉官閣門祇候諫諍皆內殿崇班詠東頭供奉官不

辛以天二女許嫁而未行孫璋左侍禁璫尚幼同產兄素
右班殿直兄子五人詢左侍禁閣門祇候詵左班殿直誣
諱詢皆左侍禁從父兄靖右班殿直其子詳右侍禁嗚呼
戎夷旅距之際公悉力捍禦以至平定宜享遐福而稟命
不融後世其有興者乎公薨之年歸殯京師明年卜宅西河
之太平鄉劉村里又明年二月十九日襄事太常誅行考
功議績百僚僉允乃賜謚曰武襄詔給本品鹵簿送至都
外啓墳掩壙之輟其日視朝仍詔所經道發卒衛送葬所
州縣優假人牛車馬特恩也其孤諮等既已礱石樹碑神
道之表以靖嘗從征南復謁銘以誌幽德銘曰
天生哲人 康濟斯民 不有屯難 何展經綸

眷言平夏	齊世稱臣	一旦陸梁	邊鄙生塵
公之忠勤	威名冠君	近關遠略	歲策其勳
寇入蕭關	即鎮涇原	圖形以進	百辟改觀
入董衛卒	風清禁屯	出撫邊兵	霜凝塞垣
乃建高牙	以肅和門	延登樞府	式贊治源
蠢茲懷蠻	輕去巢穴	陷邑圍廣	圖獲全越
公之籌籌	成于廟謀	願得奮行	馘彼兇酋
帝念其誠	俾公專任	橫海之區	揆公以寧
收復邊城	綏撫遺氓	南夏再平	繫公之靈
露布傳呼	歡聲九衢	曲敢頌表	德音江湖
乃陞太尉	乃尹河中	陞摠機務	言時致庸

樞極之柄	兵戎大政	弼諧有託	方隅以靜
政主推誠	辭權戒盈	乃錫相印	以鎮陪京
天胡不仁	奪我勳臣	上心嗟憫	悼往撫存
輔車孰引	發卒三川	銘旌改寵	鹵簿宣恩
佳城何在	汾河介山	勳書彙鼎	冢象香蓮
山西出將	天下稱賢	功名不朽	億萬斯年
宋故兩浙提點刑獄尚書度支員外郎林公墓銘	序		
公諱從周字其先西河人問禮孔子顯名諸侯七世祖			
自南安徙居潮州宗族盤互為海陽著姓曾以諱其太父			
諱某丘園賁素咸以冲曠終焉父璠少以節惠稱於鄉黨			
復謹義方訓子遂起其家四進秩太子洗馬致仕公即長			

子景德二年由進士上第敕除泉州南安主簿郡以符召
為掾日持手板與刺史廷辯曲直凜然有國士之風主計
者聞其材悍蒞劍州銀冶半歲入銀銅七十一萬第其最
以聞天子嘉之擢授大理評事筦權永嘉復以課遷本寺
丞知開封考城縣遭母喪解官柴毀過禮間里指為標準
服闕又丞殿中勾當諸司糧料院大司徒王公欽若鎮餘
攬奏辟公為副詔授太常博士通判杭州軍州事司徒故
相長於智術處事與朝廷約束不能無異同公悉力牽挽
歸於繩墨而後已司徒公初怒中悔命一府惟公之聽入
朝久之以屯田員外郎充開封府推官議不已同錙銖不
移事或聞上帝獨可公奏尋轉度支員外郎提點浙江東

西刑獄公事以天聖三年五月癸巳卒官享年五十一公
孤進以材稱故自南安二考特轉京城官非列也司徒公
之出鎮精擇本朝望士為佐故內閣段公少連時為觀察
判官耳公乃通判其府事無巨細一決於公初大司徒與
丁晉公謂久以勢位相傾俄而棄節於洛得罪其嘗所厚
者悉坐左遷公在餘杭以抗直不黨聞於朝故得免戾然
亦格不用晉公歟乃為天府佐司徒再秉國鈞猶以前佐
郡時持正不能屈終亦踈之在府三年凡易四尹太后帝
知名而終不遷止以平例外補遂卒豈命也哉公姓耿介
不容人私京邑浩穰壓於權貴請託不得猶理可否公銳
意痛絕私謁所得權貴人翰墨都不省視至夕聚而焚之

由此勢益矣上初即位富於春秋莊獻皇太后五日一垂
簾御長春殿共斷天下事故事大尹上殿職官一員同陟
殿陞與大尹東西立黼衣前腰笏對展奏牘聽上裁決一
日奏事退莊獻指公語上曰此林某也近侍咸聞焉公之
奏事常出文法之外故兩宮多之府民有殺其兄之二子
以規其財者長被瘡即死其幼走以免事發獄成以母年
八十法當留侍公乃建言使無狀子告母側以殘其幼孤
必無全理且孤孫雖穉亦能為祖母養留之惠姦不可讀
奏未畢太后遽頷之曰人情當如此即命醜海外公之持
平固執皆此類也其在南安考城之政至今民歌頌之故
天章閣待制劉公隨考城人也嘗與某言王府屬邑多以

村望夫請從自公罷去二十八年書言公母官無及林
公者聞公亡時或至雪泣其政忘人心如此公屬文不苟
為華媚遺言指事必根政道再讀賦頌悉以規諷為本上
亦再歎手詔褒之公之第五人其長曰從善先公卒次曰
從式次曰從變次曰從義次曰從道皆良士也上之初真
王於圓丘也公以府僚侍祠因一子出身公之二子皆
白身未仕獨念母第早亡願結末光遂先奏其孤以慰藉
之言行義者咸共推伏公娶鄉里張氏封清河縣君公之
存以婦順助其內公之沒以母道嚴其家宗族奉之如師
保焉生二男三女長子東蒼光禔寺丞次子東莖舉進士
長女嫁大理寺丞許因其次女封德安縣君幼女嫁進士

魏英孫樂人公之卒也采於後及其孫法其板喻閩嶺以
歸而洗馬府君亦以其年四十一卒遂以天聖五年某
月舉二喪同域葬于某鄉某里某原妣曰臨縣縣太君鍾
氏前葬其鄉某原小人曰吉遂不克附某幸得娶公中女
公既定十五年乃克葬于松楸之下於是聚其族姻詢訪
遺懿在人之聞者書之于石以為表云爾銘曰

鵠以魁芒 重離協光 下生俊傑 發為端方

俗尚軟熟 視如堅剛 君子居之 不易其常

仁義內脩 我知克舉 爵祿外至 變于所遇

萬乘知名 身猶泥泥 才乎命乎 天不蕪予

未伸明謨 弗克中壽 善之所報 將在千後

惟石言言 立于松幹 直書不文 庶乎長存

宋故忠田即中黃府君碑

府君諱仲通韶州曲江人本名正以犯從祖諱遂稱字焉
家本寒素刺史潘公見之曰此奇童也命其父使從學及
冠以辭賦知名舉屋間天聖初進士擢第累授信州大名
府司理參軍時天章閣待制王公汾主河北滑上言引濟
水御河澆灌懷衛民田辟府君為衛州推官以通水利秩
滿故丞相沂國文正王公岐國正獻杜公文章為之詔改
著作佐郎監廣州軍資庫未幾遷秘書丞知南儀州以病
乞換江南監當徙監宣州商稅按察使以欽州興賦賦訟
繁朕請擇材士共贊其書就除太常博士簽書判州判官

公事尋賜緋通判建州知惠州累遷至屯田郎中
冠廣州惠最為近府君增堞濬隍民用以安監司以勞聞
及罷惠州也年六十八矣迺歎曰鍾鳴漏盡而不知止者
滔滔皆是也吾可以去鄉里而貪進乎遂不復出授
一子官而致其政以寵之休官凡六年以嘉祐四年六月
丁亥考終命于曲江里舍享年七十四府君少勤學家貧
無書手寫細字五經注疏及文賦數萬篇其後性復
恬素不急進取每歎祿不逮親所得之俸常均給兄弟及
諸親之貧者鄉閭無不服其常朋友未嘗與之爭富官以
幹稱治獄以慈聞其所為舉皆當世名公年人而所享名
位不盡其材壽終之日家無餘資其子自其全德

者也曾祖諱烜祖諱嬰贈職方員外郎妣槐氏累封真陽
曲江南陽縣太君凡再娶初曰劉氏封中山縣君太常少
卿賽之妹也次曰楊氏封福昌縣君三男子長曰亢早夫
次曰佺期太廟齋郎次曰安期試祕書省校書郎其年七
月姪新湖陽主簿寶臣太子中舍新知潮陽縣事汾與諸
孤奉其柩葬於豐樂鄉之鄧林山靖在諸甥之列幼授師
訓居同里舉進士同榜宦遊險易未嘗不相親也及府君
之傳政而歸也靖適經制蠻事不克還鄉以奉朝夕之驩
暨茲去世又不獲歸奠葬不及執紼其痛豈有涯哉迺附
銘以紓恨焉

韶山相水

南國之紀

生是俊明

具茲粹美

學必根道 祿不私已 幹闕朝廷 悌稱鄉里
籍未引年 志先知止 沒無餘積 清白而已
始終一節 古之君子 佳城何在 鄧林之趾
九原何從 文獻斯邇 身雖可殞 名不泯矣
我懷舅氏 生同榮悴 今也云亡 莫親含殮
握筆誅德 臨紙撫淚 終天永訣 此情何寄

故尚書虞部郎中致仕李公墓碑

公諱虛舟字公濟贈吏部尚書諱黃之季子工部侍郎諱
虛已之介弟李氏之貴於天下舊矣七世祖諱昌始居光
山同郡王氏之王聞越其孫諱盈以族從焉遷徙名數於
建安曾王父諱瑄王父諱詢贈大理評事先君尚書筮仕

江左為諸司使時太夫人在堂以道梗不克迎奉安輿乃
留中饋與公同侍晨夕及秣陵歸命例授殿前承旨既辭
冗秩不受且以嘗為王國官不許南度其後數年登進士
第授衢州理官乃克迎侍公時已能力學有稱矣咸平中
舉進士不第繼丁艱疾柴毀過禮廬于墳側自力封樹旦
暮泣血六年除喪尋以兄任補郊社齋郎調授福州閩清
洪州靖安尉咸著治聲遷饒州餘干令坐不覺獄中殺人
免官會元昆二鄉分司還第公素篤友愛喜於閑適且厭
夫惡直醜正世路風波故終日怡怡無復仕進之意元昆
既沒朝廷以恩授校書郎知江州瑞昌縣事讓不受署友
朋敦勸其守益堅杜門家居擯去人事故相國臨淄元獻

晏公天聖末為三司使脩姪壻之恭守書叙意斬公一至
京師重違其言乃具私車而往于時上宰許國文靖呂公
叅豫文惠陳公簡肅薛公文康王公咸欲畀之大邑固辞
不就元獻知公之節不可屈也亟言於上得太子洗馬致
仕既而元獻入謝上與章獻太后問公之年曰六十二矣
疾乎曰無疾上曰若然真可尚也名公大臣嘉其高蹈悉
賦詩以寵其歸明道元年遷殿中丞俄以子寬定登朝接
郊祠舊制復增其秩尋改國子博士賜五品服三轉虞部
比部駕部員外郎恭謝大禮進虞部郎中公之祖妣臨穎
太君陳氏母夫人廣平郡太君游氏之留鄉里也公在弱
年奉侍孝謹出於天性家貧無書而假本於人必手自鈔

錄夜則諷誦長為詞章頓出流輩三衢趙湘有詩名於天
下與先公友善且愛公謹厚以其子妻之後封長壽縣君
其令餘干也強宗有為姦利至中人以死者郡縣莫之能
禦公至則明示教約無敢復犯一境為之肅然其侍兄伯
之疾也躬臨藥膳與子姪均其勞迎孀姊而事之奉以甘
膳與婦孫同其恭其傳政而歸也謝絕公府未嘗一言干
人賓朋至者觴豆相歡嘯歌有節其或泛平湖游別墅輕
舸小駟初無導從視之豁如也自先正尚書以殿中丞納
政歸養築室豫章東湖之陽不出郭郭而有林泉之趣及
令兄以小司空分務閑居公以郎官歸休舊廬再世三賢
相繼解組皆年未懸車而勇於冲退鄉邦人士伏其世德

三聖宸翰羣公贈言金石之列龜螭相照恬晦之美當代
歸之子舍以朝列守藩倅郡雖越在鄰邦犬牙交壤一欲
迎至官下公皆不許由是間還代出以奉溫清寬初自度
州得請為江浙等路提點鑄錢坑冶以厝舍在番陽晨昏
非便乞居南昌就署局事朝廷許之無何遷荆湖北路提
點刑獄三上章辭不允公乃敦迫使行曰定在此矣無以
吾故屢違命既行至部復懇辭天子嘉其誠故不易其職
而徙之江西馬定之吏資當典城矣再為佐官于洪以便
奉養不離左右者一十二年寬既乘駟至自湖北公曰吾
君之恩厚矣何以圖報遂泣下婦孫至公言如初決張公
疾病于婦蒼黃環侍而泣公止之曰吾年過父兄而汝曹

各能樹立瞑目無恨矣復謂醫工曰吾病革矣無諱二子
俾集吾事翊日而拍館時嘉祐四年秋七月二十二日也
享年八十九夫人長壽縣君趙氏孝恭以事長慈惠以逮
下勤儉以裕內和柔以接外六親稱道用為規模先公八
年即世子男三人寬司勳員外郎定庶部員外郎寔祕書
省正字伯氏以克幹發聞仲氏以詞學知名李則早大女
二人長適進士劉好禮次適烏程縣主簿張次道孫二十
五人曾孫十五人咸潔身承學無墜訓言自夫人之喪也
公豫為壽器又甃雙壙而虛其左以自待也達生者歎以
明正月即葬其地曰新建縣桃花鄉新里村之雷岡前塋
之期司勳君伯仲走僕荷書且奉遺意不遠數千里見託

銘勒其分義素著於公父子之間故知公履行充熟公之
絕考著於輝節雖父兄在遠而力養祖母勤劬自立及其
宿官則清白無滄益之剛正自餘干非罪免歸即高謝世
務宰弼諸公力共敦勉所守不回以遂初志崇尚節義門
無雜賓待人以誠動有儀矩雖宴笑終日不見情容今子
童孫說說侍側朝夕訓誨莫匪禮法端居靜默三十三年
國家崇貞立國頻繁爵命而家庭譽處陶然物外年逾八
十視聽益明親為書疏皆手自裁答字体謹潔可愛少者
殆不能及有疾一日而終同於寤寐古之稱隱君子者無
以尚之可銘也哉銘曰

李氏三賢

奕世清德

矯矯八座

儒林之特

辭榮歸養

冥鴻奮翼

瞻瞻二鄉

憲臺司直

厭劇就閑

伐柯攸則

惟公之生

眈眈遠謫

承家孝愛

當官強力

何彼蒼蠅

變我白黑

冠之一免

無復彈杖

兄弟怡怡

何喪何得

墨綬再紆

機心已息

友朋免勸

宰司勳鈞

一志不回

牆東晦履

乃秩春宮

于歸江國

高謝世紛

不為外惑

北窓笑傲

衡門靜默

朝散屢加

角巾靡易

子舍班朝

朱金滿側

更省迭侍

仕途景式

進退忘懷

死生非戚

豫為壽藏

虛左自適


古稱達人

今見其迹

清風遺後

子孫千億

卷之九



P16

故虞部郎中李公墓誌銘

嘉祐四年秋七月甲寅尚書虞部郎中致仕李公終於洪州私第既卒矣二孤以書奉其遺命并門人錄其善狀且告塋期請誌諸方石使遠復之以辭公公諱虛舟字公濟五世祖諱盈從王氏入閩始占籍建安曾門諱瑄太父諱詢贈大理評事大母陳氏追封臨穎縣太君考諱寅殿中丞致仕贈吏部尚書母曰廣平郡太君游氏初先公尚書仕江南壤斷不克迎板輿故廣平君及公並留侍江南平先公辭冗官且以故國臣留居京師後由進士及第調衛州司理參軍乃克歸先公之未歸也公自能力養咸平中進士舉不第以兄任補郊社齋郎調福州閩清洪

諸孫皆好學保家者銘曰

公之先

世隴西

入于閩

家建溪

尚書公

仕金蔭

公留侍

孝蒸蒸

令餘干

民哈安

非罪去

不再冠

秩春官

歸于洪

繼先德

避嶺東

無荀圖

無妄干

朱紫侍

節義完

今已矣

葬新里

李氏也

視章水

宋贈大理寺丞朱君墓誌銘

并序

君諱信其先邾人戰國時并於楚漢初以任俠聞季布歸之以解主仇名熏灼於天下孝武徙山東甲族實諸陵遂移名數長安雲自平陵以峭直顯名博居杜陵以材敏稱職為漢名臣焉世祖南陽淳與祐俱自南陽為佐命晉宋

之際齡石以權勇輔義集勲疆場世有英特發聞京輦唐
室之季遂家大梁今占籍開封府陽武縣戶牖知曾祖諱
洪五代倣撓仕塗榛梗與道沉浮不覲驕鉅祖諱敬安鄭
州別駕生一男一女女適陝府右司馬贈少府少監隴西
李咸秩封河南縣君男諱昭澤應毛詩學究舉不第早亡
即君之文考也自曾門以來以氣義有守君以奇節終之
河南君之子李公穆以諫議大夫叅知政事於君爲外兄
第終不於此時屈節一圖進取嘗署計臺右職以勞當遷
供奉禁庭矣子友直明經及第君即自解去從容子舍其
淡泊榮味如此然疎財好義重許可廣交慕其游皆英俊
有名之士也友直歷官至虞部員外郎要津提擢繫君之

舊其知人之明又如此卒以子登朝再贈大理寺丞女二
人長適孔氏次適東染院副使趙承諤孫男二人長曰濟
中書堂後官檢校尚書水部員外郎次曰從政早亡孫女
三人長適左班殿直路昭吉其次亦早亡濟字伯仁少孤
而儻多識當世典故復廣交契克紹祖烈卜葬得慶曆
二年太歲壬午閏九月二十七日丁酉凡八柩同遷于開
封府祥符縣開府鄉東韓村之大塋君與夫人吳氏同窆
朝廷以恩賻錢五萬將葬即以虞部府君之狀託天章閣
侍講王洙撰次其美復以君之狀伴來索辭濟之遊皆在
朝聞人籍籍居顯仕矣襄事孝誠之極而以文見屬故不
克讓乃爲銘曰

猗與君子

鵲光抱器

進退以道

交遊以義

不苟勢榮

不屑祿累

起家有承

拂衣無愧

時人蹈道

身蒙其利

明哲樹善

世福其嗣

烏經吉卜

牛眠善地

銘以掩幽

為子孫識

宋故馮胡縣太君王夫人墓誌詔

夫人姓王氏金陵人也父諱某仕李主為如京使王師渡江既黜唐命革用其俊授右班殿直夫人徽柔懿淑克謹女訓自此摠即幹母盡根闈之內壹以付之其慈明孝愛出於資性閨門整飾動協儀矩族姻罔不尚其節焉嘗因季春墓祭出見親之貧者即解衣衣之母曰衣豈妄得何遽與人對曰紛華非性所適且憐其窶甚杼軸可完宗親

不可撓也毋繇此益奇之凡四時蒸嘗夫人必手鑪壹室牢饌醖醴菹腥脯醢索器異齊以備其物常曰祀享人之大事故須嚴潔以表至誠幼懷異節率皆此類年十九歸于戶部郎中許氏事其姑如其母而加謹焉怡聲下色調膳扇枕雖隆冬瘴暑必躬親之未嘗一委媵妾之手室中舉案侃侃如也姑亡不食三日月經被縲動必以禮其族婦有賢而孝者族人齒之必曰何如王氏其愛慕也如此其與兄伯同居事其妣如姑之存歲入地征月入官奉悉歸兄伯之室簪豪不以自名嬰孩之費一請於其妣曰妣母在吾何敢專其廉讓之性然也戶部府君遠宦十年夫人足不踰閩夫伯俱亡撫養諸孤均若已出聚居且百口

恩意怡怡一亡間言訓誨子姪自見成立夫人再封邑臨沂以天封馮翊以子封享壽八十以室元元年歲次戊寅十一月某日終于海陵松第十五人借舉進士長曰恂通州司戶參軍次曰恢大理寺丞知常州晉陵縣次曰怡秦州司理參軍次曰元殿中丞次曰平累舉未第女二人長適虞部郎中知撫州田慶遠次適職方員外郎知永州張楚孫幾人亦各材俊卜葬得某年月日與戶部府君合祔禮也某元之執故為銘曰

猶歟哲婦	生此南國	始勸柔淑	以植女德
秉勤孝懿	以先壘則	終篤慈愛	以宣賢式
族人以和	毋訓以飭	諸子咸仕	出於風力

佳城鬱鬱 義聲亡極

宋故殿中丞黃公墓表

公諱珙字希珥其先楚人春申之後世居江夏或係為公輔或時號奇童前史詳之此不復叙占名數於衡陽有年矣曾門諱璠大門諱承祿潛德不顯高蹈林泉考諱林樂道奉佛中年戒殺遂絕葷血鄉曲稱為居士公以清素自勵兼通內外典而留意篇詠嘗云聖世右文興治旁羅寒俊家有令子弟不可不訓之以學而起其家當是時子姪四人悉趨黨塾義萬之教剗琢有成公喜而為詩曰門闈自有子孫榮章獻太后上僊之明年二子同年進士擢第越再榜猶子師尹繼捷詞科既而二子陞朝以禮祀恩及

讓官回授五被命至殿中丞朱衣銀魚湖外嚮儒感美德
門賢範遂為稱首公嘗謂儒術以飾躬佛法以理性故其
崇奉西教逾於先君誦金剛般若經四萬卷雖資質方直
而好行陰德每以善行誨人嘗自吟曰但將貧作富祇以
道為懷有欲休持戒無欺便是齋君子謂之知言公以嘉
祐七年二月辛丑考終命於衡之私館享年七十五疾病
彌年精爽不亂其奉行衆善無忘正念者歟太夫人許氏
其壽九十夫人許氏累封長壽縣君內助於公下訓諸子
主蘋蘩之祀著閨闈之則長子師道屯田郎中通判廣州
仲子師說舉進士不第先公二年卒季子師旦屯田員外
郎桂陽監使並承公積善以取科級謹於率履咸以清白

材幹聞太司曰君復深於佛性棲心事外有高世之風焉
緣公及夫人年高偕不樂遠去庭闈朝議題而從之女適
同郡郴州司法李日宣孫五人長鎮次鈞太廟齋郎廣成
啟其綺女孫死人重孫四人重女孫三人以其年十一月
庚申薨公于東郊里墅之東五里虎龍山先塋之中不葬
有日矣嗣子走其中親進士羅友諒持其郡倅都官莫君
及所撰行狀俾來乞銘表于墓阡頃歲某經制廣西大司
田君時為桂倅婉謀正論日蒙開益公及夫人皆拔輿迎
侍至郡升堂獲見折且相歡一日之素於茲久矣及今經
略廣東君復倅南海蓋以便於定省故十年之間連倅二
郡不自以為滯非孝誠發中孰能如此秩滿既歸確此茶

毒湖湘之間豈無文士特緣雅故見託斯文然雖藻思荒
落其敢辭哉銘曰

為善致祥

乃天之常

其身用光

其家用昌

忠恕之賢

後裔絲絲

立石松阡

以永其傳

宋故大理寺丞知梅州王君墓碣銘

王氏之盛於天下舊矣以望別族者秦之郡五漢之郡一
十六公之望實出太原自司馬氏南渡而諸王世為輔弼
梁永寧郡公侍中尚書令僧辯生顓顓生珪唐正觀中宰
相以亮直稱為名臣珪子敬直尚南平公主拜駙馬都尉
坐事貶死嶺南子孫留者因為曲江著姓雖世襲簪紳不
絕而祿卑不得諳於國史曾大父諱某大父諱當劉氏自

即尊號族人仕者皆得美官獨父子幅巾高蹈不與其類
考諱臨字嘉謀皇朝以鄉邑器望署潮州司理參軍卒官
公諱式字用之十四而孤然介自立以學行見稱舉進士
得祕書省校書郎歷廣州虔州南安軍司理參軍入朝除
大理寺丞知吉州永新縣以能聞明年移知梅州景祐五
年七月卒於治所享年六十五公沉厚方直敦尚名教自
幼孤至白首貫以一節舊制嶺表按察官歲調郡縣緣位
闕員取進士再舉明經三舉下入大常第者試攝其事三
載不瘳厥職乃送吏部為品官邦人自為南選常才趨之
唯恐不及公嘗喟然曰曲江自文獻公後仕大夫鮮復以
科第取顯爵於朝豈南志以此選訪人為卑耶吾為州黨

項領期於展力從官詎宜碌碌齒其間由是自弱冠捧鄉
老書遊場屋三十年終不屈意暨上第時母夫人猶在堂
升堂拜嘉間里始歸其高焉今天子初踐祚在諒闇不待
祥禫即臨軒急於採擷天下俊異而由江聯翩六人中第
皆公之力六人即公及子陶餘若靖章悉嘗趨函文焉郡
守嘉尚縷陳其事乞改公所居之鄉曰與文里曰折桂詔
可其奏邦邑榮之三為決曾掾以清慎自守發摘姦伏滯
洗良善期於詳允獄無隱情雖苛吏把其上校胥穴其下
不敢箝毫奪其理卒以雪枉改官其宰永新也俗固好訟
而當官者復侵渙之公一皆痛刮其弊民戴之如父母焉
公始掾南海遭內艱解官在始襄之年而致毀過制遂以

氣恙到悔之三月疾作不及成政而捐館舍公志尚高崇義
不苟合訓子弟有常檢接僚友無戲言聞人之善談不虛
口其不善者疾如仇讎真所謂古之君子也夫人余氏鄉
邦令望明淑賢懿上奉其姑下撫其族於公內助為多二
子長曰陶信州軍事推官次曰防亦舉進士孫男六人孫
女五人皆幼公之初喪也引柩西還藁葬其郊居之側至
某年某月某日以禮裏事子與文鄉折桂里厚當原以靖
辛而交其父子間兼師友之重使來索銘以表其墓乃銘
曰

韶山之秀 發為俊茂 清識懿文 南州領袖
人趨祿江 不羞苟得 公獨夷由 決於翰墨

五試文昌	晚成之光	三椽快曹	罔私毫芒
明照隱詆	民不寃死	入奏天子	乃丞大理
試政蒲蘆	五柳雙鳧	鋤強息弱	百里以蘇
暮年成績	部符嶺阨	車茵未温	臥實已易
旌旆西還	霜凄露溥	福不盈晉	歲歸九原
惟公之德	侔儻殊特	身雖云亡	留為軌則
詞學起家	義方教子	有詔旌之	文鄉挂里
胡為石考	累世弗顯	才不誰知	卒於遐遠
勢薄地寒	不貴不年	廷尉高門	在于後昆
宋故殿直蘇府君墓誌銘			
府君諱繼字傳之其先蓋祝融之裔為周寰內卿士故為			

武功著姓唐僖宗幸蜀扈駕而西者徒名數于成都祖諱厚仕蜀至尚食使考諱進之為蜀牙兵校長蜀亡孟氏之臣例署東宮官得副率府君以父任累廷殿直太平興國中授深州安平寨主是時北虜歲擾邊安平雖名堡障宿兵不滿數百援師不集則禍至常不測或勸府君辭勿行府君曰平時既食其祿急辭其難非人臣節吾不恥於死而恥以此生遂寓家他所而獨之安平明年虜以兵夜襲寨城果以無援遂至陷沒享年七十五帥臣諱援兵籍期誣以不備敵聞繇是雖死王事而贈典不及吁忠義其難行哉子咸熙南京留守判官孫二人長曰安世尚書屯田員外郎次曰昌世太廟齋郎以嘉祐二年十月庚午並舉

王父母考妣四喪歸葬于揚州江都縣興寧鄉馬坊原府君與夫人許氏同藏俾作銘于幽宮銘曰

常人宴安

唯祿與利

君子所徇

曰忠與義

既食其食

夷險一致

履危忘難

雖死不避

守帥蒙上

唯善之蔽

贈典不加

忠魂無愧

福不在身

在乎來裔

吁嗟九原

古人之繼

宋故南京留守判官贈都官郎中蘇公墓誌銘

公諱咸熙字太和其先胙土於蘇為周鄉士故代為武功人曾門諱厚以唐末翠華西幸避兵至蜀仕蜀至尚食使因為成都人祖諱進之從孟昶歸朝授東宮副率考諱繼殿直深州安平寨主契丹犯寨陷焉公以太平興國八年

明經擢第授邠州定平尉會朔易帥恥於援兵不出痛詆安平失守公緣坐謫澧州未幾義士譏其不恤焉詔釋之調綏州司法參軍太宗割綏銀界夏國徙歸州尉秩滿遷建州松溪令改宣州南陵母喪去官服除授廣州秀容令州將轉運使以治狀聞廷寧州軍事判官歷單州團練均斬防禦荆南節度南京留守判官景祐二年七月辛卯以疾終南京享壽七十五公性淳氣直廉謹自守所歷十二官未嘗一掛於法口不言人非其有過者款言諭之人亦信伏常語子孫曰吾少孤無貲徒力學祈寸祿以養母母終養矣又得衣食爾子孫吾自足矣豈能以諂言諛色干權貴以求進乎且貧無苞苴恥學術數何以取合於

人吾老於從事不自愧也人雖不知曾不一露鋒穎員吏
隱君子哉德之積而福不享於身者將鍾其後乎夫人泮
氏封穎川縣太君子二人安世舉進士屯田員外郎廣西
轉運使昌世太廟齋郎女三人長適黃州府城尉費中黃
次適建州進士吳淵次適合州進士袁務孫五人台文舉
進士永州推官詳文太廟齋郎懿文炳文彥文未仕公初
自秀容今赴選奏舉引見例進京秩一女子婚吳淵夢人
呼公為判官及見果得實懷其後事六州皆為判官公志
本恬素及事符應霖益加退讓焉疾亟之際自言吾夢於
城北自擇陰地幽冥所安無累後代又言生平守官未嘗
惟邠州一獄有差適夢之帝所辨之得請矣文字在

吾懷中親戚恠其謔言就索文字公曰七月十日某看
不祿焉及今卜葬之原果在城北以嘉祐二年十月
夫人汝氏合葬於揚州之江都縣與寧鄉馬坊里
屯田君以靖同年進士又同官于洪于桂故託銘遺誌以
掩幽戶銘曰

學行由已 窮通在命 人貪苟得 公惟守正
以脩廉謹 外絕奔競 識高位下 非德之病
關職熾昌 有家克盛 九原可作 百伏輝映

武溪集卷第十九

武溪集卷第二十

工部尚書亮集賢院學士贈尚書左僕射累贈少師
謚襄公余靖

墓誌下

陳幾承墓碣

卜禮賓墓銘

張渡支墓表

蕭府君墓誌銘

馬處士墓表

孫寺丞墓表

梁寺丞墓表

毛國博墓銘

毛秀才墓銘

毛翁推墓銘

魏推官墓銘

宋故殿中丞知梅州陳公墓碣

公諱坦然字其其先穎川人高祖父效官容管屬唐季之亂嶺道梗塞不克北還遂為晉寧郡人曾祖諱某祖諱某考諱某並仕劉氏為私署官考終於知繡州營田事皇朝贈大理評事妣陶氏贈永昌縣太君公即繡州第三子博學善屬詞有膽勇多權謀尚然諾舉進士未第歸鄉里景德中宜州兵殺守帥齊判官厲成均以叛偽稱南平王擁

衆數千人北攻象州成均者公同郡人也公乃單騎行賊圍為書約矢射成均帳下為陳禍福其畧曰國有患難乃見忠良貪人之利而背其君非忠也怯人之威而失其志非勇也君甲科進士當以才識濟理今佐一郡不能繼其衆以至於亂又不能死乃更甘心偽號提烏合之徒剽劫郡縣朝廷封疆萬里帶甲百萬遣偏師取狂寇如舉太山壓郊耳柰何赤族從叛人入湯鑊中耶初象城踈弱無守備將陷者數矣成均得書欲自拔歸順計未決而王師至城乃全賊又別遣一屯分掠南路徑趣容境所至摧陷公入語容守陳延賞曰賊勢剽悍難以力競且脅從之人舉無戰心願假衙兵數營與從抵賊營論以逆順當使解甲

而歸我矣公去賊壘數十城下馬直前為言本朝正朔被四海汝徒無故謀聚今有詔誅首惡苟能束身改圖當祭以爵賞何苦草間覓活是時賊中偽補屯衛之職賈二率私相語曰此飛檄生也於是率首領以甲卒數詣郡降賊失腹心皆不戰而自潰矣賊平論功大將以狀聞中旨令本郡敷遣赴闕與官仍賜錦袍銀帶公悉讓而不受願回前恩以就殘疾一試朝命嘉之詔貢部別名密奏中途被病且遭家艱以歸服闕急於祔養禱主化州吳川簿秩滿調授杭州餘杭簿擢漳浦令再以吏能佐桂州幕初為節度判官以母喪解官後以觀察支使知春州入朝廷著作佐郎知潭州收縣移知柳州累轉太子贊善大

夫殿中丞卒官其佐餘杭也市有馬者杜氏夫婦皆八十餘杜氏名暹掌為忠懿王幕府官老無子孫遂乞於帝公聞之慨然為輟俸錢構草室數楹以居之語同僚暨若族合幣二十萬與其足日廩市什器營壽藏識者義之其令漳浦也有海口石門居風衝道歲壞舟楫甚衆公乃相地徙巷以避濤怒商旅至今賴焉邑西有陳將軍祠者即圖云儀鳳中勲府中郎將陳元光也年少時竟邦人立廟享詞甚謹日奉牲幣無筭歲大旱徧走群巫弗雨公乃齋潔詣祠下禱云政不修者令之負禱無驗者神之羞國家崇祀典所以祈民福也祀苟不應何用神為即鑪鼎與神約曰七日不雨此門不復開叢祠為燼火行未百步霾風拔

巨樹仆于道俗素信鬼及是吏民股戰神之怒公徐曰民
方磬何怒之為乃緩轡截樹而去果大雨田收皆倍邑人
刻詞以紀其異其在桂林也役徒不足借禁卒五百伐材
以修守具郡帥會賓客飲于堂外有告變者曰役卒二百
挾刃群譟入屯營為逆在座相顧失色郡帥曰當閉城以
虎翼五百擒之公即屏人語帥曰今以亂擒之彼知就擒
則死必力鬪適所以堅其叛意身其實尚淺若誘而致之
可無慮乃從白直數人直趨其宅責其主校奇刻乃復人
入慰問其勞苦叛卒環泣曰苦則思亂人之常情若從
公命得免於役以全視息為再造矣皆釋仗隨公而歸帥
亦原之其罷陽春也有張氏女者父為供奉官夫吏輦下

犯賄流嶺南夫死家屬嗷嗷送郡郡陽郵卒以刃脅為婦
且半歲公經途聞之執卒送官按罪公解縣既高錢貽之
官遣部送還其父子皆章章在人視聽者也公妻七官幹
為外職司符牒効事凡九十餘獄民無一辭為然其周才
也如此公之宰汝縣也政無不盡乃經度署表而鼎新之
落成之日而詔書至從梅州心常戀戀焉捐館之夕彼之
宿吏數十見公朱衣垂白持書遺後驛驛人門於廳如平
空廳簾墜地如割眾驚異之後半月而凶問至邑人塑其
像立祠于邑西云公以明道元年四月甲辰終於海州官
舍某年某月某日歸葬于其夫人楊氏附焉楊氏先公早
世子六人曰直方有方知方居方義方應方居方恩進士

有方補郊社齋即為曲江簿亦能官議方應方尚幼女二人長適某康定元年曲江君因方跌圍首之令泣以遺狀來請銘嗟其名不書於史氏遂銘曰

占之為吏 不專祿仕 器能駭群 名不墜矣

後之為吏 去才取位 官品不登 苦斯委矣

吁嗟陳公 識優命否 勒銘幽石 以頌遺美

宋故禮賓副使知邵州下府君墓誌銘

公諱日華字宗曹州宛句人昔武王既克商崇樹親親為大夫者因食采之邑命為不氏仲及禰下注子之勇蓋曹大夫魏晉已絕粹直世繼清德兄弟六龍並登宰府

邦墳壘至今存焉蘇峻之難東初航東都督王師不

子煥顯義生嘉歎國器美以為忠孝之道萃於一門

風聲於手書所餘皆相濟其進士不第終於家相其

用卜於南之術以書其才不為瑞曰滿野而不為其以

於焚亦在以此素感自修考論其專經成名以應

太師曰公此意極大劉至公自歲加慰薦歷歷以

錄李公此意極大劉至公自歲加慰薦歷歷以

業舉此意極大劉至公自歲加慰薦歷歷以

宜此意極大劉至公自歲加慰薦歷歷以

乃此意極大劉至公自歲加慰薦歷歷以

第此意極大劉至公自歲加慰薦歷歷以

率以親為進退家之積粟周贍族烟而俸祿盡於賓客拾
館之日室無羨資兩朝遇知己之主不克壽而展其才可
嗟也已公之兄楚材今為春官舍人弟日就舉進士景祐
初釋褐未官而卒李弟日新亦舉進士公娶某氏封某縣
君生一男一女男世長右侍禁恪勤以涖官筭理以檢身
咸有所播以守先訓孫二人尚幼初公之喪也侍禁君羈
貫既扶服以區歸兩哥子郡郭今乃卜以其年某月某事
于大塋禮也嗚呼卜其兆宅而安其體魄不能論譏懿美
以為子孫識皆孝之大者葬而有銘古也乃銘曰

曹大侯邦 下乃公族 賦邑命氏 并蒙其福
池姓奠居 數世則遷 卜守本國 其紹綿綿

公之善共翼 生于積德 傑然起家 實惟茂識

一尉之卑 遽為帝知 抱器遭時 常代所稀

親存守常 以養其志 親亡激節 有死不避

進退之儀 必本於義 行道固難 卒多留滯

稟命不難 半途而隕 清名有餘 高才未盡

九原蒼蒼 體魄所載 子孫不忘 以嗣其光

宋故贈度支員外郎張府君墓表

大宋嘉祐四年冬十月蘭臺張君奉其先正度父及母
兄之柩歸窆於青州既葬事泣而言曰唐民不幸父兄早
世父在按殯常以為無涯之憂今幸而安厝宅兆以釋重
負又幸蒙相國韓公翰林歐陽吳二公紫微范公見貺誌

銘御史邢君筆於方石納諸幽室相國觀文梁公後揭題
詞鎮表兄墓今先君之封欲永推銘勒與兄無窮敢巧詞
焉謹按府君少而業文晚迺得業事親以孝行著立朝以
忠實稱其居官政必興民利家廉儉約兄子及愛自噴衰
晚所志不就力教三子期大其門元子唐鄉舉進士果為
天下第一仲曰唐鄉亦同時得第雖相繼凋落不副國家
旌用之責然士人翁然稱其賢於教子也其季則祕承君
復以召試成名致仕本朝及是官其妻獨以以圖窳窳之事
環走數千里其妻亦能以其誠感富世賢相
名卿之文以請其妻張氏真仁子哉意也之所重惟在仕
源賢人君子則不為心才德何如爾也故不可必

彭彭不足較其脩短類稷不足較其窮達死而不朽者為
名而已世之言教子者府君為無愧矣府君諱思字希聖
進士及第官至太常博士以子贈度支員外郎曾祖諱庭
實潛德不耀祖諱昂贈職方郎中孝諱從化駕部郎中贈
祕書少監母朱氏贈河南縣太君其世開官績歐陽翰林
書之詳矣嘗葬其宗親三十餘喪其子既登科即致仕而
去官其弟愈表聞未報而終云今塋於廣固之仁德鄉元
塋之東奉遺意也係而銘曰

士之處世	才德居先	窮達壽夭	歸之于天
義方訓子	魁於俊賢	德之無愧	福胡不堅
其季有立	還塋舊阡	維名無窮	子孫萬年

故蕭府君墓誌銘并序

府君諱陟字希陞其先潭州瀏陽人五代祖昶初仕湖南
知馬氏政象乃挈族去其國以歸江南李主大悅賜田十
萬家于新喻今占籍臨江軍曾祖處鈞祖著父實皆潛德
不仕府君舉進士天聖初今上諒陰不親臨試以恩例授
奉州司士叅軍再移潭之醴陵岳之華容尉權岳州司理
叅軍治獄以明恕稱岳陽介居荆湘重湖之上號為名盜
捕寇者利於功賞因緣為姦往往閱舟有兵器貨財者榜
皆係繫認為抄剽械送刑獄府君夙宵研覆辨其枉直平
反者百餘人岳民至今思之權臨湘縣事政亦有聞錄聽
進士舉賢良方正制科不第詔授泉州同安主簿未幾得

太平於官舍享年五十八府君博通古今好讀書其赴同
安也囊囊裝鞍馬得錢百千盡以買國子監書喜形於色
曰吾無資產以此遺子孫乃家寶也常執籍於其間曰此
生無成當有施於後世府君娶簡氏先府君卒追封旌德
縣太君二男長曰注次曰伯英府君臨終之夕呼二子囑
之曰吾昔為獄官有陰德於人吾聞有陰德者其後必大
汝等當力學圖富貴以大吾門二子果皆擢進士第注今
為西上閤門使廣南西路安撫都監兼知邕州伯英祕書
丞初徵外蠻儂智高攻陷邕橫等十郡遂至廣州據民
圍府城州將不知所為第率官屬吏卒上門登陴而已上
聞君時行番禺令事縱城獨出募勇敢士撓賊之謀遂其

舟數百艘得其所略婦女數千人又殺鄉坊之民與之交
易者數百人日開南海門運食物及守禦之備以資城中
賊智力皆窮乃退去朝廷嘉君功特拜禮賓副使知邕州
賊之敗走於邕也君又募溪洞酋長說誘諸蠻擒賊之母
及其子弟於特磨道生送赴闕戮於都市夷落聞其名皆
畏之由是累迁官而久其任焉府君累贈至屯田員外郎
祕丞君亦以同在蠻中經營擒賊之策進京秩知新喻縣
事蒞官之明年遂謀以嘉祐五年二月二十八日葬府君
於本縣之月立柩先管也女三人孫五人曰元曰充曰充
曰凡曰允元充充悉以恩授太廟郊社齋郎凡充尚童幼
塋有期矣以書采巧銘府君之德銘無愧辭乃銘曰

懿文不達 清德可尚 多積諸書 以敵珍寶
治獄之仁 當大其門 如茨福祿 在其子孫

馬處士墓表

慶曆四年春正月丁未鄱陽處士馬府君歿于私宮冬十
月其孤遵泣血緘書走京師索銘以掩其壙不及窆期迺
表諸墓云謹按馬氏於戰國為趙將於漢為外戚於唐為
功臣章章然在史矣唐季遠祖避地自黃梅渡江占籍於
饒之樂平曾王父諱昭王父諱亮並署於南唐父詡夷曠
不急於祿而終母曰某氏實生府君諱某性深沉博涉書
史不專章句之學少失其親柴毀過禮州間補之恩無同
產及同宗以同居僅百口怡怡如也鄱陽近室其俗任氣

鄉里之有爭者府君以義譬解之人服其評之允不之官
司者十六七居家喜賓客而加禮儒士撫七子皆有成享
年五十七娶董氏府君撫其宗於外董夫人扇其和於內
七子慶巡遵喬寧道遜悉自獨立嚮學遵登進士甲科入
朝為太子中允以幹材通識見稱於時道舉進士未第初
中允君以廷尉評為晉康守懲其說於晨昏也期不遠去
鄉國被更書至闕下二年得宣城通守以歸又家居且一
年朝廷以邊鄙宿兵培克吏浚民以濡國不恤其怨而仕
路混教久未澄汰力選直清通濟之士分外甚以佐邦計
遂自大理丞極中允為福建路轉運判官將勉奉安輿以
行而府君即世

原於戲府君以仁撫其族義訓其子鄉邦欽尚而壽考不
堅天道損益不可原乎天與其德不與之年賦有所偏乎
不豐其身將大其門乎不見其人永瞻松阡悲夫

宋故大理寺丞前知白州孫公墓表

君諱億字廷齡其先周文王之子康叔封於衛為諸侯衛
武公之孫食采於戚曰孫氏世為上鄉楚有叔敖三仕至
令尹封於寢丘號為循吏漢有堅父子開國於吳以有江
淮故其世系繁衍於南方而望於富春之族土著於表之
分宜曾祖某祖某考某累葉高蹈恬退自守君幼挺奇節
資性溫厚博覽廣記不為章句之學弱冠能屬文舉進士
上第選注桂陽監判官虔州節度推官薦其材者章文公

立擢授大理寺丞知吉州永新縣徒知白州丁先府君憂
服闋符召還臺道卒于宿州享年四十一桂陽地產五金
諱盜日積南康土沃民繁郡多滯訟君連佐二幕率以和
易守職進則啓迪嘉謀以裨邦君之闕退接民吏一無異
言故直道得行而上下悅之其宰未新也予時忝典城之
寄共爲親民吉民歲配和市縑素六萬餘匹主外計者籍
收帑錢以供他費第給海鹽償其縑直前政又以邑豪入
粟得爵者准官戶免其征細民由是重困君發其弊予得
奏停邑官且藏斂于縣以酬民縑外臺不能詰吉之田租
歲收四十萬斛擇廉幹司度之入漕臣意在聚歛預戒
度吏定收什二以充羨餘專其局者惟君能守州約拒臺

命出納一用倉式其公正皆此類也俾其克壽而貴善政
豈可量哉其居喪也不歷姻婭之門不知鹽酪之味三年
無改邦域稱焉君初以藝文知名故樞密成紀文憲李公
諮特加稱賞妻以兄子實多內助生二女三男長女適李
氏予以弱息仲荀娶其幼女男之邵之翰之間皆未冠君
以皇祐元年四月二十九日捐館舍於扶離諸孤扶其柩
歸以其年十二月二日葬于分宜縣某鄉某原其弟洵以
書來索文不及掩壙之期故表諸阡而銘曰

天生吉人

付之正性

胡不與全

而薄其命

濬賢肥悽

亦天之病

表諸墓道

以圖惟求

宋故无祿寺丞梁君墓表

梁與秦趙同祖絕於秦續於晉顯於漢故為京兆萬年人
祖諱旻佐幕番禺屬劉氏據有南海耻非王命不從所署
道于東筦世歸其高焉二子長曰光運署右職捕賊遇害
少曰光遠即君之文考亦佐戎政皆劉氏官也君諱頌字
微之幼秉竒節強學篤行信義稱於朋友詞章秀于鄉邦
國家削平僭偽統壹函夏君即占籍高要以從鄉賦舊制
嶺南按察者皆專選補州縣吏員闕即擇前資及士之豪
俊而署之試守三歲克有成效則薦于吏部而授真秩君
以故事召署備三暮調于天官得象之武仙簿貴之鬱林
尉封之司戶參軍悉以能官有聲年及懸車抗止足之分
移疾請老朝廷羨之迁光祿寺丞致仕以景祐元年六月

考終命于封水享年七十三夫人陳氏先府君二歲卒其
孤揆繼歲銜恤遂蓬首垢面挈釜負土由祖妣而下封大
塋而窆之凡六墳異藏同城以景祐二年十二月辛酉掩
壙于端州高要縣歸仁鄉湖洲原乃築廬居冢旁朝夕哭
泣刺手取血寫佛書以祈冥報廬外植蔬樹粟以給饘粥
不茹葷血凡六歲乃除喪州閭耆舊緇素以其狀白長吏
表聞天子嘉之詔郡縣以時存撫賜之粟帛以旌其孝專
選補者以揆至行奪而官之窘於窮而從焉慶曆五年七
月患舊域卑濕仍負土全塋徙瘞宗崇原加封樹焉從高
顯也既而乞銘以表之銘曰

哀無時而忘 服有時而終 去廬立表

以寄哀於無窮

宋故國子博士通判太平州毛君墓銘

公諱應任字子貞其先榮陽人昔者武王翦商而造周以介弟毛伯既親且賢乃列地而爵之與康叔君闕東為諸侯與輔季入寰內為卿士胙土得姓善善相繼其後領袖儒林丹青史筆者代有之矣玠仕魏為尚書僕射以清公廉節自任後嗣仰之為萬世法渡江而後晉者世吏二千石遂為江南著姓今占籍於廬陵之吉水焉曾祖諱讓祖諱休仕南唐為侍御史烈考諱澄贈大理寺評事妣高氏贈南昌縣太君繇公之請也僖皇東遷宋梁篡奪版蕩幅裂稱尊號者非一姓李氏阻江為國自紹唐統御史府君

忠於所奉遂為天子之外臣于時廬陵大郡毛為右族官於霸朝卒以法進丞寺署坐郡曹者咸綽綽有名國人聽之御史府君藏書數千卷闢田數百頃嘗與人曰欲仕者可以識廢興欲隱者可以實倉廩吾於子孫計足矣乃玉笥之陽有終焉之志公幼喪所天刻意自立砥名勵行文為聞人真宗皇帝得祥符之始年舉進士御前解褐授杭州臨安尉負海名邦古稱都會探丸仇吏人或輕揚公廣為方略多設耳目尉羅所得囊橐以是入被其仁至今稱誦選部調補江陵府司理叅軍以情察獄寬而能斷所經訊讞民自不寃秩滿迂萬州軍事推官坐宗缺守權董郡事束縛姦吏按摩疲人威凌秋霜惠溫冬日為紳立朝之

士狀其績用闡于庭者十一人歸朝擢授大理寺丞知筠
州高安縣平心徇物曲直立分篋歛盡除異訟自止暮年
移知賓州軍州事轉太子中舍都在合浦之東千里而近
地多珠貝犀象沉檀之產前之剖符者往往舳舻銜尾竭
其土物公北歸之日盡室一舟無銖鎊南國之貨入朝授
殿中丞國子博士歷通判虔筠太平等軍州事公性寬厚
守撫損當官不示圭角以恬赫赫之譽所去民皆思之信
愛朋友未嘗斥人之非故朝士多其長者監郡之職與刺
史權均而勢遠固祿位者率以將迎守意臨事不自可否
拜氣低首趨府如幕吏吏持案牘立前山疊波委弱管署
紙尾不敢議其是非及狷者為之則剛而犯上相持短長

缺士大夫之行者多矣公處以中和不茹不吐三贊郡事
人亡間言自筠之移姑孰也杭遺榮之志將歸舊隱乃白
奏奉身而請老焉朝命以本官致仕一子授太廟齋郎以
羨其冥冥之節詔表下不幸屢疾以明道二年三月丁丑
考終命于當塗之官署享年六十有七夫人高氏封其縣
君夙奉姆教恪恪婦式婉容淑範為閨房之秀府君列朝
著理郡務遺清白於子孫者夫人實有內助焉公即世既
踰月帷堂哭晝未亡之歎方深同穴感義溢至之期共盡
以某月日終于池陽舟次越明年某月日合而祔之于某
原禮也三子長曰漸太室齋郎次曰溥以駿卒次曰洵擢
進士第調判入四等授越東節度推官知宣城縣事三女

長適進士陳敏中次適進士習遵路次適進士艾瑀六孫
伯奮伯達伯玉餘尚幼將葬洵以狀來乞銘而掩諸幽乃
銘曰

周之懿親	魏之名臣	越有裔孫	生茲德門
行為士則	才為世賢	所治七官	遺愛存焉
身羈紱綬	志在林泉	公既知止	時方引年
乞身西歸	朝恩霽然	未被出綽	俄驚逝川
哀隕庭闈	悲摧無鸞	靈輪卷宅	相隨九原
令嗣執喪	戚容樂樂	泣狀遺績	乞銘塋地
嗚呼榮陽	府君之阡		
榮陽毛君墓誌銘			

君諱溥字之祖於周為姬姓文王之子國于毛子孫以國
為氏春秋之際世為王卿士在漢時長及享皆為魯詩各
以其家名學儒者至今宗之晉永嘉之亂士族南徙室有
戰功為廬江守名著竹帛而毛宗益興在南夏矣宋齊而
降代有瓌傑家謀闕墜不復殫紀今為吉州吉水人太王
父諱某侍御史王父諱某贈大理評事考諱某國子博士
終於姑孰同守以文學起家所理七官皆著洽效閨門肅
肅若居官庭妣曰高氏封壽春縣君奉舅姑以禮訓諸子
以嚴里閉稱之姑孰府君三子伯曰漸季白洵君即中子
漸太室齋郎洵鎮東府從事君幼聰悟博覽群籍及于史
百家之言與人交不苟台孝謹友愛發於天性自從事君

未仕時君已能為進士業矣吉於江西治最劇其士人倍他郡而歲貢後選偏以限人之制褻博臂凌歌鹿鳴而送之十不取一衣冠家有令子弟鴈行而進求鄉先生之薦者郡中正往往畏鉗忌之口不克偕舉從事君既冠則與君並在賓興籍中君曰吾才不如李脫不幸而順吾長以我先舉則為奪吾李之名也讓不乞試退而脩家人產業李果得薦取太常第邦人義之從事君既上第君始有仕進之意行益溥學益勤聲名流四方而祿未及之以明道二年五月十六日卒享年三十有八初姑孰府君屬疾君嘗藥而後進不去冠帶者三月晝夜不寐兩目盡瘡府君弃世未踰月母夫人壽春君亦亡君哀號慟絕勺飲不入

口並侍兩喪全柩歸葬途次鍾陵柴毀越旬其弟洵扶護其父母兄及已之妻之喪以歸哀感行路以某月日葬於某府君之塋次禮也君娶劉氏柔嘉之德冠于族姻子男三人長曰伯奮始志于學余尚幼女二人皆未笄於戲君之行可以激薄俗空峯奔競宜壽而貴者乃以荼毒滅性不享永年可哀也哉故為之銘銘曰

生于德門 言溥行實 讓弟以仕 哭父而沒 義而孝兮 胡不終吉 吁嗟毛君 居此電窟

宋故鎮東軍節度推官毛君墓誌銘

景祐元年十一月戊辰故鎮東軍從事毛君卒于家明年九月壬午塋于廬陵吉水之仁壽鄉南華原先府君之塋

次君之兄遣使持書走京師謂其友余某曰漸之弟才未盡施抱恨入土恐其名之易漫滅也請銘而久之其於君遊最厚熟其行故得書而無讓焉君諱洵字子仁世居書水業儒爲冠族曾祖諱休侍御史祖諱澄贈大理評事考諱應佐國子博士母曰壽春縣君高氏君器度方正動自脩尚幼精敏能屬辭及冠舉進士試祕書省校書郎性篤於孝視榮利泊如也凡守四官再以親解初補撫州司法叅軍先府君適知賓州賓在南海南千里遣人問起居者死於道信不得通君喟然嘆曰惡能以擔石祿割親之愛經時聞然不知息耗而自安迺因郡郵言狀不待報棄官去暨府君歸朝君再調洪之新建簿以書判拔萃天子御

便殿試之所對入等改試大理評事近鎮東軍節度推官知宣州宣城縣事政有繩墨民咸宜之未踰歲江淮制置使器其能奏監揚州推塩倉詔既下留侍親疾不就職執藥調膳嘗而後進積三月不之寢室亡何府君暨母夫人_卒君與兄漸奉喪歸葬持鋪倚土手舐面黔親友不能識塋外松栢皆所自樹遂結廬墓所而居之居憂凡二十一月朝夕哭踊如初喪之儀所食才脫粟不加薑桂同閉諸生數十人日湊廬旁執弟子之禮請君敷辯經義君對之流涕未嘗言文廬中非號泣時則寫佛書讀喪禮而已自廬次輿疾歸家數日卒享年三十二郡以孝行聞詔賜其家粟帛百以旌顯之君二昆伯曰漸太庙齋郎仲曰

溥先以毀卒夫人生一男一女皆夭夫人前君卒別葬不
祔其終曰

文行俱家世儒力孝弟恬進趨再棄官

為親謀失怙恃返丘墟飯脫粟居倚廬

不終喪隕厥軀位未充材有餘祔無婦

哭無孤善罔報天何如

宋故峽州軍事推官贈太常博士魏公墓誌銘

公諱清字友置洪州南昌縣灌城鄉龍沙里人畢萬始賞
世為晉鄉韓趙協力終踐侯爵因國命氏子孫繁焉相曹
公族蟬聯於漢晉矣曾祖玘祖爽考謹並以唐祚衰季師
臣專兵割裂土壤喋血為縱橫之業進則私署恥為陪臣

繇是潛德丘園不食其粟家世以財雄州黨公昆仲四人
求分父產人人自占其膏腴公悉以服玩田宅讓之脫身
而去獨取犀帶一條市書力學退居西山名溢人口李氏
竊據江左自稱後唐封拜予奪之柄自專之我家開國始
授正朔公聞其順命乃萌筮仕之意開宝三年猶以禮部
侍郎張洎私掌貢籍公以進士中其選李主批云魏某勵
志謹行學有餘文與二三子不同可特放及第釋褐授饒
州餘干尉鰥鱣東下青蓋入洛公授王命為滑州靈河尉
將漕臣樊知古上殿奏公富文達學吏材幹敏中旨召赴
闕將加顯秩引對之日逆氣併喘口噤不能語詔授散官
以就土地之醫除陳州叅軍二年疾愈州將奏公云頌而

使之屢觀錯節文長綫奏政兼威惠願加擢用以勵能者
頃之中旨復令詣闕學士院召試授許州臨潁主簿公以
江南擢第非王室之命故授官不復以科名為叙仍自臨
潁再應進士舉京輔近藩尤重舉首公就試郡士亡出其
右明年殿庭覆試中甲科時端拱二年也御試前一日公
肺忤曾喘坐卧躃苦呻唵危篤之際沈然而寤夢一道士
謂公曰姓名定矣勿復憂之中夕痊平詰早赴赤墀之試
亡恙焉初禮部籍奏公名在九十一暨臨軒唱第名次如
舊事與夢叶聞者異之授保信軍節度推官兩川地險人
心如之賓壽漢書咸擇聲稱移閬州觀察推官居亡何黃
巾竊發軍城失守民潰其上力所不支郡無良將適以避

難降資授峽州軍事推官秩滿歸闕咸平四年季夏五月
十三日以疾終于輦下享年六十三歲散官至給事郎兼
官至大理評事累贈至太常博士公簡而不佞廉隅自守
在官三十年俸給之外秋毫無橫入性寬厚未嘗失色於
人即世之日家無餘財識者稱之夫人樂氏以屯田君貴
封河南縣太君生五子長曰英次曰蒙並遺名好遊混跡
閭里次曰莊咸平三年進士及第即屯田君也次曰舊次曰
芴皆早世二女長適進士劉覺次適進士尹中正屯田君
羈貫之歲公即器之嘗謂親舊曰待第三子成名吾死無
憾矣果以屯田君登第之明年而卒知子莫若父豈虛語
哉明道二年屯田君罷守晉康郡乃曰有父不葬終身之

戚遂露章乞告便道歸塋窀穸之事朝旨從之以其年十月抵豫章兆有日矣河南君尋以壽終乃拊焉府君自咸平辛丑歲卒明道癸酉歲始克襄事而河南君發紼同歸蒿里死生之會期有數歟以是年十二月十九日皆窆于新建縣善政鄉羅埔里乃為銘曰

奕世潛德

運遘表微

丁年筮仕

識照安危

項滅歸漢

吳亡得機

才高命蹇

畢世卑飛

烏經卜宅

鸞鑑同歸

死生離合

各有其期

西山巍巍

銘於依依

此焉壤樹

行路興悲

武溪集卷第二十五

宋故朝散大夫守工部尚書充集賢院學士前知廣州軍州事兼管內勸農市舶使提點銀銅場公事充廣南東路兵馬都鈐轄兼本路經畧安撫使柱國始興郡開國公食邑二千六百戶食實封二百戶賜紫金魚袋贈刑部尚書余襄公神道碑銘并序

推誠保德崇仁翊戴功臣觀文殿學士特進刑部尚書知亳州軍州事兼管內隄堰橋道勸農使及管內開治清血河道事上柱國樂安郡開國公食邑四千三百戶食實封一千五百戶歐陽脩撰

始興襄公既葬于曲江之明年其子仲荀走于亳以來告曰余氏世為閩人五代之際邊亂于韶自曾高以來晦迹

嘉道至于博士府君始有祿仕而襄公繼之以大曲江僻
在嶺表自始興張文獻公有聲于唐為賢相至公復出為
宋名臣蓋余氏從韶歷四世始有顯仕而曲江寂寥三百
年然後再有聞人惟公位登天臺正秩三品遂有爵土開
國鄉州以繼美前哲而為韶人榮至於褒卹贈謚始終之
寵盛矣蓋褒有詔卹有物贈有告而行謚考功有議有狀
合而誌之以闕諸幽有銘可謂備矣惟是螭首龜趺揭于
墓隧以表見於後世而昭示其子孫者宜有辭而闕焉敢
以為請謹按余氏韶州曲江人曾祖諱從祖諱榮皆不仕
父諱慶大常諱士累贈太常少卿公諱靖字安道官至朝
散大夫守工部尚書允集賢院學士知廣州軍州事兼廣

南東路兵馬都鈐轄經畧安撫使柱國始興郡開國公食
邑二千六百戶食實封二百戶治平元年自廣朝京師六
月癸亥以疾薨于金陵

天子惻然輟視朝一日賜以粟帛贈刑部尚書謚曰襄明
年七月乙酉返葬于曲江之龍歸鄉成家山之原公為人
質重剛勁而言語恂恂不見喜怒自少博學彊記至於歷
代史記雜家小說陰陽律曆外傳淳厚老子之書無所不
通天聖二年舉進士為贛縣尉書判拔萃改將作監丞知
新建縣再遷秘書丞刊校三史充集賢校理天章閣待制
范公仲淹以言事觸宰相得罪諫官御史不敢言公疏論
之坐貶監筠州酒稅稍徙泰州已而

天子感悟亟復用范公而因之以被斥者皆召還惟公以
便親乞知英州遷太常博士丁母憂服除遂遷為集賢校
理同判太常禮院景祐慶曆之間天下急於久安吏習因
循多失職及趙元昊以夏叛師出久無功縣官財屈而民
重困

天子赫然思振頽弊以脩百度既已更用二三大臣又贈
置諫官四員使言天下事公其一人也即改右正言供職
公感激奮勵遇事輒言無所回避姦諛權倖屏息畏之其
補益多矣然亦不勝其怨嫉也慶曆四年元昊納誓請和
將加封冊而契丹以兵臨境上遣使言為中國討賊且告
師期請止毋與和

朝廷患之欲聽重絕夏人而兵不得息不聽生事比邊
未决公獨以謂中國戢兵久矣此契丹之所幸一日使吾
息兵養勇非其利也故用此以撓我爾是不可聽

朝廷雖是公言然猶留夏冊不遣而假公諫議大夫以報
公從十餘騎馳出居庸關見虜於九十九泉從容坐帳中
辯折往復數十卒屈其議取其要領而還

朝廷遂發夏冊臣元昊西師既解嚴而比邊亦無事是歲
以本官知制誥史館脩撰而契丹卒自攻元昊明年使來
告捷又以公往報坐習虜語出知吉州怨家因之中以事
左迁將作少監分司南京公怡然還鄉里闔門謝賓客絕
外事元六年

天子每思之欲用者數矣大臣有不喜者第迂光祿少卿
于家又以為雅州刺史壽州兵馬鈐轄辭不拜皇祐二年
祀明堂覃恩遷衛尉卿明年知虔州丁父憂去官而蠻賊
儂智高陷邕州連破嶺南州縣圍廣州乃即廬中起公為
祕書監知潭州即日疾馳在道改知桂州廣南西路經畧
安撫使公奏曰賊在東而徙臣西非臣志也

天子喜之即詔公經制廣南東西賊盜乃趨廣州而智高
復西走邕州自智高初起交趾請出兵助討賊詔不許公
以謂智高交趾叛者宜聽出兵毋沮其善意累疏論之不
報至是公曰邕州與交趾接壤今不納必忿而反助智高
乃以便宜趨交趾會兵又募儂黃諸姓酋豪皆縻以職與

之誓約使聽節制或疑其不可用公曰使不與智高合足
矣及智高入邕州遂無外援既而宣撫使狄青會公兵敗
賊於歸仁智高走入峒邕州平公請復終喪不許諸將班
師以智高尚在請留公廣西委以後事迂給事中諫官御
史列疏言公功多而賞薄再迂尚書工部侍郎公留廣西
逾年撫緝完復嶺海肅然又遣人人特磨襲取智高母及
其弟一人俘于京師斬之拜集賢院學士久而徙知潭州
又徙青州再迂吏部侍郎嘉祐五年交趾寇邕州殺五巡

檢

天子以謂恩信著於嶺外而為交趾所畏者公也駟召以
為廣西体量安撫使悉發荆湖兵以從公至則移檄交趾

召其臣費嘉祐詰責之嘉祐惶恐對曰種落犯邊罪當死
願歸取首惡以獻即械五人送欽州斬于界上公懷邑人
遮道留之不得明年以尚書左丞知廣州
英宗即位拜工部尚書代還道病卒享年六十有五公經
制五管前後十年凡治六州所至有惠愛雖在兵間手不
釋卷有文集二十卷奏議五卷三史刊誤四十卷娶林氏
封魯郡夫人子男三人伯莊殿中丞早卒仲荀冷為屯田
員外郎叔英大理評事女六人長適職方員外郎郭師愈
次適屯田員外郎孫邵次適宿州觀察支使周熊次適秘
書省校書郎章惇裕次適越州上虞縣主簿張元淳一尚
幼孫男七人嗣恭嗣昌皆大理評事嗣隆太常寺奉禮郎

嗣徽嗣光嗣立嗣京未仕孫女五人銘曰

余遷曲江 仍世不顯 奮自襄公 有聲甚遠

始興開國 襲美于前 兩賢相望 三百年間

偉歟襄公 惟邦之直 始登于朝 官有言責

左右獻納 姦諛屏息 慶曆之治 實多補益

逢時有事 奔走南北 功書史官 名在夷狄

出入艱勤 險夷一德 小人之讒 公廢于里

一方有警 公起于家 威行信結 嶺海幽遐

公之在焉 帝不南顧 胡召其還 殞于中路

返柩來歸 詔人負土 代石刻辭 立于墓門

以貽來世 匪止詔人

書余襄公集後

景祐歲范文正公貶不以罪大臣肆忿其臺諫緘默余公歐陽公文章辯論義氣所激非爲利也既連坐竄逐後復車以奇既果有利心肯爲是耶是舉也有東漢李杜之風賴時清明不成黨錮之旣文忠公著朋黨論意有規於後也卒不能抹紹聖崇寧之橫流至使故家遺俗流風善政掃蕩無餘而胡虜之變作矣事之微漸甚可畏也主上中興更張改紀歲無虛日收燼起廢士氣振復然窺間投隙挾舊圖新者尚可懼也嗚呼以公視昔何但前車之戒耶公文聲與歐陽公同時豈晚進敢議如辨堯舜之謚號攷秦漢之興亡以儒爲正以釋爲權皆後學所當知者寓意賦

詠欲嶺上置關籍簡官吏行李之往來以辨清濁凡宜施於今日屬除日賜告獲閱一過訂正謬誤數十字因書于後紹興丁巳隸川韓璜題





Vertical text on the right edge of the page, likely a page number or title fragment. The characters are partially obscured by the watermark and the binding of the book.

書